

**Uunga siunnersuut: Tusagassiorfinnut tapiissuteqartarneq pillugu Inatsisartut  
inatsisaat nr. xx. xx 2016-imeersoq.**

*(Ilinniartitaanermut, Kultureqarnermut, Ilisimatusarnermut Ilageeqarnermullu  
Naalakkersuisumit saqqummiunneqartoq)*

**pillugu**

**Ilinniartitaanermut, Kultureqarnermut, Ilisimatusarnermut Ilageeqarnermullu  
Ataatsimiititaliap**

**ILASSUTITUT ISUMALIUTISSIISSUTAA**

**Siunnersuutip pingajussaanneernejarnerani saqqummiunneqartoq**

Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Peter Olsen, siulittaasoq, Inuit Ataqatigiit

Inatsisartunut ilaasortaq Nivi Olsen, siulittaasup tullia, Demokraatit

Inatsisartunut ilaasortaq Vivian Motzfeldt, Siumut

Inatsisartunut ilaasortaq Ineqi Kielsen, Siumut

Inatsisartunut ilaasortaq Mimi Karlsen, Inuit Ataqatigiit

UKA2016-ip ingerlanerani ulloq 14. november 2016 aappassaaneerinninnerup kingorna  
ataatsimiititaliap siunnersuut misissorpaa.

**Siunnersuutip inatsisartunit aappassaanneernejarnera**

Inatsisissatut siunnersuut pingajussaanneernejartinnagu suliareqqitassanngorlugu  
ataatsimiititaliamut innersuunneqarpoq. Siunnersuutip suliareqqinneqarnissaanik  
innersuussinermi siunertarineqarpoq siunnersuutip imarisaa kiisalu KNR-ip inatsisartut  
ataatsimiinnerini ataatsimiinnernik toqqaannartunik aallakaatitsisannginnerata politikikkut  
oqallisigineqaqqinnissaannik kissaateqarneq.

### **Ataatsimiititaliap siunnersuummik suliaqarnera**

Inatsisartut ataatsimiinnerisa nalaanni ataatsimiinnerit toqqaannartumik KNR-imit aallakaatinneqartarnerannut tunngatillugu siunnersuutip matuma aappassaanneerreqarnerani ataatsimiititaliap isumaliutissiissutaani immikkoortoq matuma kingulianiittoq ataatsimiititaliamit innersuussutigineqassaaq:

- Isumaliutissiissutip kalaallisuuani qupperneq 6-imi oqaaseqatigiit arferngat
- Isumaliutissiissutip danskisuuani quppernerit arfernganni oqaaseqatigiinni siulleeq


Tassani takuneqarsinnaavoq KNR-imut inuiaqatigiinni kiffartuussinissamut isumaqatigiissutit raadiokkut tv-kkullu aallakaatitsisarneq pillugu Inatsisartut inatsisaanni nr. 7, 8. juni 2014-imeersumi aalajangersarneqarsimasut tunngavigalugit ingerlanneqartartut. Inuttaasunik kiffartuussinissamut isumaqatigiissutit aalajangersimasut aamma inuttaasunik kiffartuussinissamut isumaqatigiissutit aalajangersimasutigut pisussaaffiliisuusarput. Taamaalilluni inatsisissatut siunnersuummi pineqartumi KNR-ip suliffeqarfittut ingerlatsinera pineqanngilaq.

Siunnersuutip innersuunneqaqqinneqarnerata kingorna tapiissuteqariaatsit aalajangersimasut, tassungalu ilanngullugu tusagassiorfinnut tapiissutit marlunnut avinneqarnerat ataatsimiititaliamit oqaluuserineqaqqipput. Tusagassiorfinnut tapiissutit marlunnut avinneqarnerat suli nutaatut isigineqarsinnaavoq, taamaattumillu marlunnut avitsinerup sunniutaa qularnaatsumik suli oqaatigineqarsinnaanngitsoq ataatsimiititaliaq nalilivoq. Tamanna tunngavigalugu tusagassiorfinnut tapiissutit pillugit Naalakkersuisut inatsisissatut siunnersuutaat akuerineqassagaluarpat inatsisip atuutilerneranik ukiut marluk qaangiunnerani inatsisip Naalakkersuisunit nalilernerqarnissaa pillugu aalajangikkamik ilaqartinneqassasoq ataatsimiititaliap isumaqatigiittup aamma kissaatigaa. Taamaalilluni tusagassiorfinnut tapiissutit siunertarisaat inatsimmi aalajangersarneqartut qanorpiaq qulakkeerneqarnerut, tassungalu ilanngullugu ingerlatsinermut tapiissutit aammalu suliniutinut tapissutit immikkoortinneqarnerat inatsisip siunertaarisaanik qulakkeereqataanersoq pillugu misissuinissaq siunertaralugu tusagassiorfinnut tapissutit marlunnut avinneqarnerat nalilernerqassasoq ataatsimiititaliamit kissaatigineqarpoq. Aammattaaq naliliinermi ilaatinneqassaaq tusagassiorfinnut tapiissutit marlunnut avinneqarnerat attatsiinnarneqassanersoq pillugu naliliineq. Tamanna naapertorlugu inatsisissatut siunnersuutip pingajussaanneerreqarnissaanut allannguutissatut siunnersuummik ataatsimiititaliaq saqqummiussissaaq.

### **Ataatsimiititaliap inassuteqaataa**

Ataatsimiititaliaq **isumaqatigiittoq** allannguutissatut siunnersuummik saqqummiussivoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut pingajussaanniigassanngortippaa.



Peter Olsen  
siulittaasoq



Nivi Olsen  
Siulittaasup tullia



Vivian Motzfeldt



Ineqi Kielsen



Mimi Karlsen